

河津縣志

續修河津縣志序

庚辰春河津令茅君調署

曲沃余奉

憲委來權斯邑始下車見
夫土地荒蕪人物凋敝士
風不振民俗日衰雖善後
屢頒新章

聖朝之

德澤汪洋

大憲之防維周至而生聚
教訓知未可旦夕圖功也
及索邑乘則底藁初成開
雕有待蓋茅君前奉

宮保爵撫憲札延紳耆襄其
事而與韓廣文會纂重修
者披閱之乃知龍門為河

防要地自同治丁卯捻匪猖狂設兵守禦者十餘年近數年來又連遭荒旱所謂加之以師旅因之以饑饉者哀我窮黎何堪丁斯阨耶噫此患貧患寡所自來而風俗所由頽靡也幸而新志之成極得體要山

川疆域田賦兵防其足備
考核者不具論余尤喜夫
風化攸關則莫如孝義列
女數門先賢往哲既書矣
而鄉閭之片善微長亦必
紀宦績儒修既採矣而閨
閫之幽貞苦節亦必詳將
見閱者興懷聞者感慕油

然勃然相偕而入於大道
以共享綏豐之福永敦親
睦之風焉則是有司所不
及勸懲者正賴此邑乘之
傳有以感發而興起豈非
余之厚望也哉茲當豐稔
之餘而剗剗將竣竊不禁
為斯邑之文獻幸更不禁

為斯邑之風化幸也是為

序

光緒庚辰秋七月

誥授奉政大夫

欽加同知銜直隸州用已卯科

山西同考試官署理河津

縣事加五級紀錄五次黔

陽楊漢章撰

續修河津縣志

鑒定

太子少保頭品頂戴山西巡撫部院一等威毅伯曾國荃
候補知府絳州直隸州知州 李煥揚

總修

同知銜即補直隸州調署曲沃縣事河津縣知縣朱熙
同知銜直隸州用署河津縣知縣 楊漢章
纂修

同知銜候選知縣河津縣教諭 程象藻

六品頂戴以知縣用推升潞安府教授河津縣訓導 郭鈞

分修

六品銜河津縣抽釐委員候補巡檢

楊國樑

六品銜河

津

禹

門

渡

巡

檢

邊

德立

六品銜在任候補州吏目河津縣典史

許逢春

新補廣靈縣典史署河津縣典史

龔桂籍

分修邑人

前任忻州訓導舉人

郝大中

候選教諭拔貢生

呂振鐸

四品封知州銜候選布政司理問前任陝西大荔縣縣丞葉廷樞

同知銜候選州判

趙夢齡

編輯邑人

同知銜前任陝西延長縣知縣 閻鏡清

同知銜 監生賀中立

校錄邑人

附生 暢登瀛

廩生 阮在中

督刊邑人

附貢 柴振聲

廩生 胡漸鴻

大清光緒五年歲次己卯七月穀旦

新序

五

續修河津縣志序

余兩涖龍門每登黃頰遊午芹厯
節崖瓜峪攀藤捫石見飛泉噴薄
翠巘橫空西窮孟門呂梁之奇九
曲黃流自天而下東望汾水波光
掩映鷗鳥忘機未嘗不喟然歎曰
美哉邑也及訪太史公之故里攷
文中子之弊廬詣薛文清之講院

然後知美稼不發堯堦喬松不挺
培塿於所產者益信焉顧其地自
北山水利外餘多沙薄之田雖有
黃汾難資灌溉十日不雨則焦土
可憐余泣此五秋每遇旱乾靡神
不舉閔閔焉如農夫之望歲近值
西陲不靖牽車牛而權子母者往
往喪其資斧徒手而歸其業產由

富而貧其風俗由厚而薄而其戶
口則由少而多其物力則由賤而
昂官斯土者怒焉憂之然而地方
大利歸農果其耕三餘一耕九餘
三比戶多有蓋藏而於素封之家
力求所以保富之道富室多則地
方緩急足恃理固然也豈一朝夕
之故哉邇來人材輩出科名接

踵蓄道德而能文章者可以薰其德而善良佐長吏之治丙寅孟夏紳耆以縣志自嘉慶甲戌重修後迄今已歷五十有三年其間官師選舉人物之待續增者若干條而節孝一門采訪至四百數十起之多尤見邑紳好義發潛德而闡幽光余亦樂觀厥成倡捐付梓俾采

風者廣為傳播焉至於政教不修
官忘撫字吏肆貪求豪強任所侵
漁閭閻日以朘削民力幾何而不
竭也尚忍言哉爰於纂輯之暇綴
以弁言表余區區之心質之紳士
并以告後之官斯土者是為序
同治丙寅夏六月

誥授朝議大夫

欽加鹽運使司運同銜丙午戊午山西

同考試官知河津縣事加五級紀
錄四次江左汪和撰